

KODAK
LICENSED PRODUCT

M
U
O

KODAK Gray Scale

A 1 2 3 4 5 6 M 8 9 10 11 12 13 14 15 B 17 18 19




氏身

病源候論

四十六之五十

小兒雜病_二 三十四論
 小兒雜病_四 四十六論
 小兒雜病_六 五十六論
 小兒雜病_三 四十五論
 小兒雜病_五 五十一論

武
136
10



門中武
第 136
卷 10 止



卷之四十六

小兒雜病諸候二

凡三十四論



時氣病候

天行病發黃候

時氣腹滿候

時氣病結熱候

敗時氣病候

時氣病兼癘候

時氣病吐下後猶熱候

時氣病後不嗜食面青候

時氣病發後候

溫病候

溫病下利候

溫病鼻衄候

溫病胸結候

患斑毒病候

黃病候

黃疸病候

胎疽候

癰病候

癰後餘熱候

患癰後脇內結硬候

癰後內熱渴引飲候

寒熱往來候

寒熱往來五臟煩滿候

寒熱往來肢痛候

寒熱結實候

寒熱往來食不消候

寒熱往來能食不生肌肉候

胃中有熱候

熱煩候

熱渴候

中容忤候

為鬼所持候

卒死候

中惡候

重刊巢氏諸病源候總論卷之四十六

小兒雜病諸候二

凡三十四論

時氣病候

時氣病者是四時之間忽有非節之氣如春

時應暖而寒夏時應熱而冷秋時應涼而熱冬時應寒

而溫其氣傷人為病亦頭痛壯熱大體與傷寒相似無

間長幼其病形證略同言此時通行此氣故名時氣世

亦呼為天行

天行病發黃候

四時之間忽有非節之氣傷人謂之天

行天體似傷寒亦頭痛壯熱其熱入於脾胃停滯則發

黃也脾與胃合俱象土其色黃而候於肌肉熱氣蘊積

其色蒸發於外故發黃也

時氣腹滿候

時氣之病是四時之間忽有非節之氣傷

入其病狀似傷寒亦頭痛壯熱也而腹滿者是熱入腹
與臟氣相搏氣否澁在內故令腹滿若毒而滿者毒氣
乘心煩懣者死

時氣結熱候 時氣之病是四時之間忽有非節之氣傷
入其病狀似傷寒亦頭痛壯熱熱入腹內與腑臟之氣
相結謂之結熱熱則大小腸否澁大小便難而苦煩熱
是也

敗時氣病候 時氣之病是四時之間忽有非節之氣傷
入其病狀似傷寒亦頭痛壯熱若施治早晚失時投藥
不與病相會致令病連滯不愈乍瘥乍劇或寒或熱敗
壞之證無常是也

時氣病兼瘧候 時氣之病是四時之間忽有非節之氣

傷入其病狀似傷寒亦頭痛壯熱而又兼瘧者是日數
未滿本常壯熱而邪不退或乘於陰或乘於陽其乘於
陽陽爭則熱其乘於陰陰爭則寒陰陽之氣為邪所乘
互相乘加故發寒熱成瘧也

時氣病得吐下後猶熱候 時氣之病是四時之間忽有
非節之氣傷入其病似傷寒亦頭痛壯熱而得吐下之
後壯熱猶不歇者是腸胃宿虛而又吐利則為重虛其
熱乘虛而入裏則表裏俱熱停滯不歇故雖吐下而猶
熱也

時氣病後不嗜食面青候 時氣之病是四時之間忽有
非節之氣傷入客於肌膚與血氣相搏故頭痛壯熱熱
歇之後不嗜食而面青者是胃內餘熱未盡氣滿故不

皆食也諸陽之氣俱上榮於面陽虛未復本帶風邪風邪挾於冷搏於血氣故令面青也

時氣病發復候

時氣之病發復者是四時之間忽有非節之氣傷入客於肌膚搏於血氣蘊積則變壯熱頭痛熱退之後氣血未和腑臟熱勢未盡或起早勞動或飲食不節故其病重發謂之復也然發復多重於初病者血氣已虛重傷故也

溫病候

溫病者是冬時嚴寒人有觸冒之寒氣入肌肉當時不即發至春得暖氣而發則頭痛壯熱謂之溫病又冬時應寒而反暖其氣傷人即發亦使人頭痛壯熱謂之冬溫病凡邪之傷人皆由觸冒所以感之小兒雖不能觸冒其乳母抱持解脫不避風邪冷熱之氣所以

感病也

溫病下利候

溫病是冬時嚴寒人有觸冒之寒氣入肌肉當時不即發至春成病得暖氣而發則頭痛壯熱謂之溫病又冬時應寒而反溫其氣傷人即發成病使人頭痛壯熱謂之冬溫病也其下利者是腸胃宿虛而感於溫熱之病熱氣入於腸胃與水穀相搏腸虛則泄故下利也

溫病鼻衄候

溫病者是冬時嚴寒人有觸冒之寒氣入肌肉當時不即發至春得暖氣而發則頭痛壯熱謂之溫病又冬時應寒而反溫其氣傷人即發成病謂之冬溫病並皆頭疼壯熱其鼻衄者熱乘於氣而入血也肺候身之皮毛主於氣開竅於鼻溫病則邪先客皮膚而

搏於氣結聚成熱熱乘於血血得熱則流散發從鼻出者為衄也凡候熱病鼻欲衄其救發汗汗不出或初涼病已來都不汗而鼻燥喘息鼻氣有聲如此者必衄也小兒衄止至一二升救合熱因得歇若至三斗救外則死矣
溫病留結候 溫病是冬時嚴寒人有觸胃之寒氣入肌肉當時不即發至春得時氣而發則頭痛壯熱謂之溫病又冬時應寒而反溫其氣傷人即發成病謂之冬溫病並皆頭痛壯熱凡溫熱之病四五日之後熱入裏內熱腹滿者宜下之若熱未入裏而下之早者裏虛氣逆熱結留上則胃否滿短氣謂之結胃也

患斑毒病候 斑毒之病是熱氣入胃而胃主肌肉其熱按毒蘊積於胃毒氣熏發於肌肉狀如蚊蚤所齧赤斑

起周匝徧身此病或是傷寒或時氣或溫病皆由熱不時歇故熱入胃變成毒乃發斑也凡發赤斑者十生一死黑者十死一生

黃病候 黃病者是熱入脾胃熱氣蘊積與穀氣相搏蒸發於外故皮膚悉黃亦脾與胃合俱象土候肌肉其色黃故脾胃內黃熱積蒸發令肌膚黃此或是傷寒或時行或溫病皆由熱不時解所以入胃也凡發黃而下利心腹滿者死診其脈沈細者死又有百日半歲小兒赤關傷寒溫病而身微黃者亦是胃熱慎不可灸也灸之則熱甚此是將息過度所為微薄其衣數與除熱粉散粉之自歇不得妄與湯藥及灸也

黃疸病候 黃疸之病由脾胃氣實而外有溫氣乘之變

生熱脾與胃合候肌肉俱象土其色黃胃為水穀之海
熱搏水穀氣蘊積成黃蒸發於外身疼轉背強大小便
澁皮膚面自齒爪皆黃小使如屋塵色著物皆黃是也
小使宜利者易治若心腹滿小使澁者多難治也不渴
者易治渴者難治脉沈細而腹滿者死也

胎疸候 小兒在胎其母臟氣有熱熏蒸於胎至生下小
兒躄皆黃謂之胎疸也

瘧病候 瘧病者由夏傷於暑客於皮膚至秋因勞動血
氣騰理虛而邪乘之動前暑熱正邪相擊陰陽交爭陽
盛則熱陰盛則寒陰陽更盛更虛故發寒熱陰陽相離
則寒熱俱歇若邪動氣至交爭復發故瘧休作有時其
發時節漸晏者此由邪客於風府邪循脊而下衛氣下

日一夜常大會於風府其明日日下一節故其作日晏
其發早者衛氣之行風府日下一節二十一日下至尾
低二十二日入脊肉上注於伏衛之脉其行九日出於
缺盆之內其氣既上故其病發更早其間日發者由邪
氣內薄五臟橫連募原其道遠其氣深其行遲不能日
作故間日蓄積乃發也小兒未能觸冒於暑而亦病瘧
者是乳母抱持解脫不避風者也

瘧後餘熱候 夫風邪所傷是客於皮膚而痰餘積於臟
腑致令血氣不和陰陽交爭若真閉勝則邪氣退邪氣
未盡故發瘧也邪氣雖退氣血上膺邪氣爭於真氣臟
腑壅否熱氣未散故餘熱往來也

患瘧後骨內結硬候 瘧是夏傷於暑熱客於皮膚至秋

復為風邪所折陰陽交爭故發寒熱其病正發寒熱交爭之時熱氣乘藏藏則燥而渴渴而引飲停成癰結於脅下故癰後脅內結硬也

癰後內熱渴引飲候 癰病者是夏傷於暑熱客於皮膚至秋復為風邪所折陰陽交爭故發寒熱成癰凡癰發欲解則汗汗則津液減耗又熱乘於藏藏虛燥其癰瘥之後腑臟未和津液未復故內猶熱渴而引飲也若引飲不止小便澁者則變成癰也

寒熱往來候 風邪外客於皮膚內而痰飲漬於腑臟致令血氣不和陰陽更相乘剋陽勝則熱陰勝則寒陰陽之氣為邪所乘邪與正相干陰陽交爭時發時止則寒熱往來也

寒熱往來五臟煩滿候 風邪外客於皮膚內而痰飲漬於腑臟致令血氣不和陰陽交爭故寒熱往來而熱乘五臟氣積不泄故寒熱往來而五臟煩滿

寒熱往來腹痛候 風邪外客於皮膚內而痰飲漬於腑臟血氣不和則陰陽交爭故寒熱往來而藏虛本按宿寒邪入於臟與寒相搏而擊於臟氣故寒熱往來而腹痛也

寒熱結實候 風邪外客於皮膚內而痰飲漬於腑臟使血氣不和陰陽交爭則發寒熱而臟氣本實復為寒熱所乘則積氣在內使入胃脅心腹煩熱而滿太便苦難小使亦澁是為寒熱結實

寒熱往來食不消候 風邪外客於皮膚內有痰飲漬於

腑臟使血氣不和陰陽交爭則寒熱往來其脾胃之氣宿披虛食表雖寒熱而內冷發動故食不消也

寒熱往來能食不生肌肉候 風邪外客於皮膚內而痰

飲漬於腑臟使血氣不和陰陽交爭故發寒熱往來胃氣挾熱則消穀穀消則引食陰陽交爭為血氣不和血氣不和則不能充養身軀故寒熱往來雖能食而不生肌肉也

胃中有熱候

小兒血氣俱盛者則腑臟皆實故胃中生

熱其狀大便則黃四肢温壯翕然熱

熱煩候

小兒腑實血氣盛者表裏俱熱則苦煩燥不安皮膚壯熱也

熱渴候

小兒血氣盛者則腑臟生熱熱則臟燥故令渴

中客忤候

小兒中客忤者是小兒神氣軟弱忽有非常之物或去經識見之人觸之與鬼神氣相忤而發病謂之客忤也亦名中客又名中客中人其狀吐下青黃白色水穀解離腹痛反倒太極面變易五色其狀似癇但眼不上搖耳其脈弦急數者是也若失時不治久則難治若乳母飲酒過度醉及房勞喘後乳者最劇能殺兒也

為鬼所持候

小兒神氣軟弱精爽微羸而神鬼被鬼所持錄其狀不覺有餘疾直爾萎黃多大啼喚口氣常臭是也

卒死候

小兒卒死者是三虛而遇賊風故無病倉卒而死也三虛者乘年之衰一也逢月之空二也失時之和三也有人因此三虛復為賊風所傷使陰氣偏竭於內

陽氣阻隔於外而氣壅閉，陰陽不通故暴絕而死也。若
腑臟未竭良久乃蘇，亦有兼挾鬼神氣者，皆有頑邪退
乃生也。凡中客忤及中惡卒死而邪氣不盡停滯心腹
又乃發動多變成注也。

中惡候 小兒中惡者是鬼邪之氣卒中於人也。無問大
小若陰陽順理榮衛平和神守則強邪不干。正若精氣
衰弱則鬼毒惡氣中之其狀先無他病卒然心腹刺痛
悶亂欲死是也。凡中惡腹大而滿脈緊大而浮者死緊
細而微者生。餘熱不盡停滯臟腑之間更發後變為注也。

重刊巢氏諸病源候總論卷之四十六終

卷之四十七

○小兒雜病諸候三 凡四十五論

注候 尸注候

蠱注候 陰腫候

腹脹候 霍亂候

吐利候 服湯中毒毒氣吐下候

嘔吐逆候 噦候

吐血候 難乳候

吐衄候 百病候

頭身喜汗出候 盜汗候

痰候

癥瘕癖結候

宿食不消候

食不知飽候

大腹丁奚候

利後虛羸候

赤利候

冷利候

卒利候

重下利候

胸膈有寒候

痞結候

備飽候

哺露候

洞泄下利候

赤白滯下候

熱利候

冷熱利候

久利候

利如膏血候

蠱毒利候

被魃候

夜啼候

胎寒候

心腹痛候

利兼渴候

驚啼候

躑啼候

腹痛候

重刊巢氏諸病源候總論卷之四十七

小兒雜病諸候三

凡四十五論

注候注之言住也謂其風邪氣留入身內也人無問大小若血氣虛衰則陰陽失守風邪鬼氣因而客之留在肌肉之間連滯腑臟之內或皮膚掣動遊易無常或心腹刺痛或體熱皮腫沈滯至死死又注易傍人故為注也小兒不能觸胃風邪多因乳母解脫之時不避溫涼暑濕或抱持出入早晚其神龜軟弱而為鬼氣所傷故病也

尸注候尸注者是五尸之中一尸注也人無問大小腹內皆有尸滯尸蟲為性忌惡多接引外邪共為患害小兒血氣衰弱者精神亦羸故尸注因而為病其狀沈默

不的知病處或寒熱淋瀝涉引歲月遂至於死死又注
易傍人故名之為尸注也

蠱注候 人聚蟲蛇雜類以器血盛之令相取食餘一存
者即名為蠱能變化或隨飲食入腹食入五臟小兒有
中者病狀與大人老子無異則心腹刺痛懊悶急者即
死緩者涉歷歲月漸深羸困食心藏盡利血心藏爛乃
至死死又注易傍人故為蠱注也

陰腫候 足少陰為腎之經其氣下通於陰小兒有少陰
之經虛而受風邪者邪氣衝於陰與血氣相搏結則陰
腫也

腹脹候 腹脹是冷氣客於臍故也小兒臍臟嫩弱有風
冷邪氣客之搏於臍氣則令腹脹若脾虛冷移入於胃

食則不消若腸虛冷氣乘之則變下利

霍亂候 霍亂者陰陽清濁二氣相干謂之氣亂氣亂於
腸胃之間為霍亂也小兒腸胃嫩弱因解脫逢風冷乳
哺不消而變吐利也或乳母觸胃風冷食飲生冷物皆
冷氣流入乳令乳變敗兒若飲之亦成霍亂吐利皆是
觸於臍臟使清濁之氣相干故霍亂也挾風而絡實者
則身發熱頭痛筋疼而復吐利凡小兒霍亂皆須暫斷
乳亦以藥與乳母服令血氣調適乳汁溫和故也小兒
吐利不止血氣變亂即發驚癇也

吐利候 吐利者由腸虛而胃氣逆故也小兒有解脫而
風冷入腸胃腸胃虛則泄利胃氣逆則嘔吐此大躰與
霍亂相似而小輕不劇悶頓故直云吐利亦不呼為霍

亂也

服湯中_毒毒氣吐下候_{春夏以湯下小兒其腸胃脆嫩}
不勝藥勢遂吐下不止藥氣熏臟腑乃煩懊頓乏者謂
此為中毒毒氣吐下也

嘔吐逆候_{兒啼未定氣息未調乳母匆遽以乳飲之其}
氣尚逆乳不得下停滯胃滿則胃滿氣急令兒嘔逆變
吐又乳母將息取冷冷氣入乳乳變壞不捨除之仍以
飲兒冷乳入腹與胃氣相逆則腹脹痛氣息喘急亦令
嘔吐又解脫換易衣裳及洗浴露兒身躰不避風冷風
冷因客胃脘搏血氣則熱入於胃則腹脹痛而嘔逆吐
也凡如此風冷變壞之乳非直今嘔吐腸虛入於胃大
腸則為瀉也

噦候_{小兒噦由哺乳冷冷氣入胃與胃氣相逆冷折胃}
氣不通則令噦也

吐血候_{小兒吐血者是有熱氣盛而血虛熱乘於血血}
性得熱則流散妄行氣逆即血隨氣上故令吐血也

難乳候_{凡小兒初生者產人見兒出急以手料拭兒口}
無令惡血得入兒口則兒腹內調和無有疾病若料拭
不及時則惡血穢露兒咽入腹令心腹否滿短氣兒不
能飲乳謂之難乳

又云兒在胎之時母取冷過度冷氣入胞令兒著冷至
兒生出則喜腹痛不肯飲乳此則胎寒亦名難乳也

吐乳候_{小兒吐乳者由乳哺冷冷熱不調故也兒乳哺不}
調則停積胃膈因更飲乳哺前後相觸氣不得宣流故

吐噴出診其脉浮者無苦也

百病候 小兒百病者由將養乖節或犯寒溫乳哺失時乍傷飢飽致令血氣不理腸胃不調或欲發驚癇或欲成伏熱小兒氣血脆弱病易動變證候百端若見其微證即便治之使不成象病故謂之百病也治之若晚其病則成凡諸病至於困者汗出如珠者身不流者死也病如曾陷者其口唇乾目皮反口中氣出冷足與頭相柱卧不拳手足四肢乖其卧正直如縛得其掌中冷至十日必死不可治也

頭身喜汗出候 小兒有血氣未實者膚腠則疎若厚衣温卧腑臟生熱蒸發腠理津液泄越故令頭身喜汗也
盜汗候 盜汗者眠睡而汗自出也小兒陰陽之氣嫩弱

腠理易開若將養過温因睡卧陰陽氣交津液發泄而汗自出也

痰候 痰者水飲停積胃膈之間結聚痰也小兒飲乳因令熱不調停積胃膈之間結聚成痰痰多則令兒飲乳不下吐涎沫變結而微壯熱也痰實壯熱不止則發驚癇
胃膈有寒候 三焦不調則寒氣獨留膈上不通則令兒乳哺不得消下噫氣酸臭胃膈否滿甚則氣息喘急
癥瘕癖結候 五臟不和三焦不調有寒冷之氣客之則令乳哺不消化結聚成癥瘕也其狀按之不動有形段者癥也推之浮移者瘕也其弦急牢強或在左或在右癖也皆由冷氣痰水食飲結聚所成故云癥瘕癖結也
否結候 否者塞也小兒胃膈熱實腹內有留飲致令榮

衛否塞腑藏之氣不宣通其痛腹內氣結脹滿或時壯熱是也

宿食不消候 小兒宿食不消者脾胃冷故也小兒乳哺

飲食取冷過度冷氣積於脾胃脾胃則冷胃為水穀之海脾氣磨而消之胃氣和調則乳哺消化若傷於冷則宿食不消診其三部脈沈者乳不消也

傷飽候 小兒食不可過飽飽則傷脾脾傷不能磨消於

食令小兒四肢沈重身躄苦熱面黃腹大是也

食不知飽候 小兒有嗜食食已仍不知飽足又不生肌肉其

亦或大其大便數而多泄亦呼為豁治此腸胃不守故也

哺露候 小兒乳哺不調傷於脾胃脾胃衰弱不能飲食

血氣減損不采肌肉而柴辟羸露其腑臟之不宜則吸

吸苦熱謂之哺露也

木腹下痢候 小兒下痢病者由哺食過度而脾胃尚弱不能

磨消故也哺食不消則水谷之精減損無以榮其氣血

致肌肉消瘠其病腹大頸小黃瘦是也若久不瘥則變

成穀癥傷飽一名哺露一名下痢三種大躄相似輕重立名也

洞泄下利候 春傷於風夏為洞泄小兒有春時解脫衣

服為風冷所傷藏於肌肉至夏因飲食居處不調又被

風冷入於腸胃先後重沓為風邪所乘則下利也其冷

氣盛利甚為洞泄洞泄不止為注下也凡注下不止者

多變驚癇所以然者本挾風邪因利藏虛風邪乘之故

也亦變眼痛生障下焦偏冷熱結上焦熏於肝故也

利後虛羸候 腸胃虛弱受風冷則下利利斷之後脾胃

尚虛谷氣猶少不能榮血氣故虛羸也

赤白滯下候 小兒躄本挾熱忽為寒所折氣血不調大腸虛弱者則冷熱俱乘之熱搏滲腸間其利則赤冷搏腸津液凝其利則白冷熱相交血滯相雜腸虛者泄故為赤白滯下也

赤利候 小兒有挾客熱客熱入於經絡而血得熱則流散滲入大腸腸虛則泄故為赤利也

熱利候 小兒本挾虛熱而為風所乘風熱俱入於大腸而利為熱是水穀利而色黃者為熱利也

冷利候 小兒腸胃虛或解脫遇冷或飲食傷冷冷氣入於腸胃而利其色白是為冷利也冷甚則利青也

冷熱利候 小兒先因飲食有冷氣在腸胃之間而復為

熱氣所傷而腸胃宿虛故受於熱冷熱相交而變下利乍黃乍白或冰或谷是為冷熱利也

卒利候 小兒卒利者由腸胃虛暴為冷熱之氣所傷而為卒利熱則色黃赤冷則色青白若冷熱相交則變為赤白滯利也

久利候 春傷於風至夏為洞泄小兒春時解脫為風所傷藏在於肌肉至夏因為水穀利經久連滯不瘥也凡水穀利久腸胃虛易為冷熱得冷則變白膿得熱則變赤血若冷熱相加則赤白相雜利久則變腫滿亦變病重亦令嘔噦皆由利久脾胃虛所為也

重下利候 重下利者此是赤白滯下利而挾熱多者熱結肛門利不時下而又嘔氣謂之重下利也

利如膏血候

此是赤利腸虛極腸間脂與血俱下故謂

利如膏血也

毒毒利候 歲時寒暑不調而有毒腐之氣小兒解脫為其所傷邪與血氣相搏入於腸胃毒氣蘊積值太腸虛者則變利血其利狀血色蘊瘀如雞鴨肝片隨利下此是毒氣盛熱食於人臟狀如中蠱故謂之蠱毒利也

利兼渴候

此是水穀利津液枯竭腑臟虛燥則引飲若小使快者利斷渴則止若小使澀水不行於小腸滲入腸胃渴亦不止利亦不斷凡如此者皆身躄浮腫脾氣弱不能剋水故也亦必眼痛生障小兒上焦本熱今又利下焦虛上焦熱氣轉盛熱氣熏肝故也

被鬼候

小兒所以有鬼病者婦人懷娠有惡神導其腹

中胎妬嫉而制伏他小兒令病也在娠婦人不必悉能制鬼人時有此耳鬼之為疾喜微微下寒熱有去來毫毛髮髮擊擊不悅是其證也

驚啼候

小兒驚啼者是於眠睡裏忽然啼而驚覺也由風熱邪氣乘於心則心臟生熱精神不定故卧不安則驚而啼也

夜啼候

小兒夜啼者歲冷故也夜陰氣盛與冷相搏則冷動冷動與歲氣相并或煩或痛故令小兒夜啼也然亦有犯觸禁忌亦令兒夜啼則可法術斷之

軀痛候

小兒在胎則其母將養傷於風冷邪氣入胞傷兒臟腑故兒生之後邪猶在兒腹內邪動與正氣相搏則腹痛故兒軀張蹙氣而啼

胎寒候 小兒在胎時其母將養取冷過度冷氣入胞傷兒腸胃故兒生之後冷氣猶在腸胃之間其狀兒腸胃冷不能消乳哺或腹脹或時谷利令兒顏色青肥時啼者是胎寒故也

腹痛候 小兒腹痛多由冷熱不調冷熱之氣與藏氣相擊故痛也其熱而痛者則面赤或壯熱四肢煩手足心熱是也冷而痛者面色或青或白甚者乃至面黑唇口爪皆青是也

心腹痛候 小兒心腹痛者腸胃宿挾冷又暴為寒氣所加前後冷氣重沓動與藏氣相搏隨氣上下衝擊心腹之間故令心腹痛也

重刊巢氏諸病源候總論卷之四十七終

卷之四十八

○小兒雜病諸候四 凡四十六論

解顛候 凶填候

凶陷候 重舌候

滯顛候 中風候

中風四肢拘攣候 中風不隨候

白虎候 卒失音不能語候

中風口噤候 中風口喎邪僻候

中風瘳候 羸瘦候

虛羸候 嗽候

病源候論

欬逆候

病氣候

腫滿候

毒腫候

耳聾候

耳鳴候

耳中風掣痛候

聾耳候

目赤痛候

眼部瞽候

目盲候

雀目候

緣目生瘡候

鼻衄候

蟹鼻候

鼈鼻候

鼻塞候

喉痺候

馬痺候

齒不生候

齒痛風齩候

齒根血出候

數歲不能行候

鶴節候

頭髮黃候

頭髮不生候

昏塞候

落床損筋候

脣青候

無辜病候

白陷候 此謂白陷下不平也。由腸內有熱熱氣熏臟臟熱即渴引飲而小便洩利者即腑臟血氣虛弱不能上充髓腦故白陷也。

重舌候 小兒重舌者心脾熱故也。心候於舌而主於血脾之絡脉又出舌下心火脾土二臟母子也有熱即血氣俱盛其狀附舌下近舌根生形如舌而短故謂之重舌。**滯頤候** 滯頤之病是小兒多涎唾流出漬於頤下此由脾冷液多故也。脾之液為涎脾氣冷不能收制其津液故令涎流出滯漬於頤也。

中風候 小兒血氣未定肌膚脆弱若將養乖宣寒温失度腠理虛開即為風所中也。凡中風皆從背諸臟俞入若心中風但得偃卧不得傾側汗出唇赤若汗流者可

治急灸心俞苦唇或青或白或黃或黑此是心壞為水面自亭々時悚動皆不復可治五六日而死苦肝中風踞坐不得低頭若繞兩目連額上色微有青唇色青而面黃可治急灸肝俞若大青黑面一黃一白者是肝已傷不可復治教白而死若脾中風踞而腹滿身通黃吐鹹汁出者可治急灸脾俞若手足青者不可復治也若腎中風踞而腰痛視脇左右未有黃色如餅糲大者可治急灸腎俞若齒黃赤鬢髮直面赤色不可治也肺中風偃卧而胃滿短氣冒悶汗出視目下鼻上下兩邊下行至口色白可治急灸肺俞苦黃為肺已傷化為血不可復治也其人當要撥空或自拈衣如此教白而死此五臟之中風也其年長成童者灸皆百壯若五六歲已

下至於嬰兒灸者以意消息之凡嬰兒若中於風則的成癰癩也

中風四肢拘攣候 小兒肌肉脆弱易傷於風風冷中於膚腠入於經絡風冷搏於筋脉筋脉得冷即急故使四肢拘攣也

中風不隨候 夫風邪中於肢節經於筋脉若風挾寒氣者即拘急攣痛若挾於熱即緩縱不隨

白虎候 按堪輿歷遊年圖有白虎神云太歲在卯即白虎在寅準此推之知其神所在小兒有居處觸犯此神者候能為病其狀身微熱有時啼喚有時身小冷屈指如數似風癰但手足不瘳癢耳

卒失音不能語候 喉嚨者氣之道路喉厭者音聲之門

戶有暴寒氣客於喉厭喉厭得寒即不能發聲故卒然失音也不能語者語聲不出非牙關噤也

中風口噤候 小兒中風口噤者是風入頰頰之筋故也手三陽之筋入結頰頰足陽明之筋上夾於口膚腠虛受風冷客於諸陽之筋筋得寒冷則攣急故機關不利而口噤也

中風口噤邪僻候 小兒中風口噤邪僻是風入於頰頰之筋故也足陽明之筋上夾於口手三陽之脉偏急而口噤邪僻也

中風痙候 小兒風痙之病狀如癰而背脊項頸強直是風傷太陽之經小兒解脫之臍瘡未谷為風所傷皆令發痙

小兒得嗽不吐者
曹氏手印謂其
嗽

羸瘦候 夫羸瘦不生肌膚皆為脾胃不和不能飲食故血氣衰弱不能榮於肌膚凡小兒在胎而濕寒冷或生而挾伏熱皆令兒不能飲食故羸瘦也挾熱者即溫壯身熱肌肉微黃其挾冷者即時令下利唇口青肥

虛羸候 此謂小兒經諸大病或驚癇或傷寒或溫壯而服藥或吐利發汗病瘥之後血氣尚虛脾胃猶弱不能傳化穀氣以榮身軀故氣力虛而羸也

嗽候 嗽者由風寒傷於肺也肺主氣候皮毛而命在於背小兒解脫風寒傷皮毛故因從肺命入傷肺肺感微寒即嗽也故小兒生須常暖背夏月亦須生單背襦若背冷得嗽月內不可治百日内嗽者十中一兩瘥耳
欬逆候 欬逆由乳哺無度因挾風冷傷於肺故也肺主

氣為五臟上蓋在膈間小兒啼氣未定因而飲乳乳與氣相逆氣則引乳射於肺故欬而氣逆謂之欬逆也冷乳冷哺傷於肺搏於肺氣亦令欬逆也

病氣候 肺主氣肺氣有餘即喘欬上氣若又為風冷所加即氣聚於肺令肺脹即胃滿氣急也

腫滿候 小兒腫滿由將養不調腎脾二臟俱虛也腎主水其氣下通於陰脾主土候肌肉而剋水腎虛不能傳其水液肝虛不能剋制於水故水氣流溢於皮膚故令腫滿其挾水腫者即皮薄如熟李之狀也若皮膚受風風搏而氣致腫者但虛腫如吹此風氣腫也
毒腫候 毒腫是風熱溫氣搏於皮膚使血氣澁不行蘊積成毒其腫赤而熱是也

耳聾候 小兒患耳聾是風入頭腦所為也手太陽之經入於耳內頭腦有風風邪隨氣入乘其脉與氣相搏風邪停積即令耳聾

耳鳴候 手太陽之經脉入於耳內小兒頭腦有風者風入乘其脉與氣相擊故令耳鳴則邪氣與正氣相擊久則邪氣停滯皆成聾也

中風掣痛候 小兒耳鳴及風掣痛其風染而皆起於頭腦有風其風入經脉與氣相動而作故令掣痛其風染而漸至與正氣相擊輕者動作幾微故但鳴也其風暴至正氣又盛相擊則其動作疾急故掣痛也若不止則風不散津液壅聚熱氣如夢則生黃汁甚者亦有薄膿也

聾耳候 耳宗脉之所聚腎氣之所通小兒腎臟盛而有熱者熱氣上衝於耳津液壅結即生膿汁亦有因沐浴水入耳內而不傾瀝令盡水濕停積搏於血氣蘊結成熱亦令膿汁出皆為之聾耳久不瘥即變成聾也

目赤痛候 肝氣通於目臟內容熱與胃腸痰飲相搏熏漬於肝熱氣衝發於目故令目赤痛也甚則生翳

眼障翳候 眼是腑臟之精華肝之外候而肝氣通於眼也小兒腑臟痰熱熏漬於肝衝發於眼初只熱痛熱氣蘊積變生障翳熱氣輕者止生白翳結聚小者如黍粟大者如麻豆隨其輕重輕者止生一翳重者乃至兩三翳也若不生翳而生白障者是疾重極徧覆黑睛滿眼悉白則失明也其障亦有輕重輕者黑睛邊微有白膜來侵黑睛漸染散漫恭不急治熱勢即重滿目併生白

障也

目盲候 眼無障翳而不見物謂之盲此由小兒臟內有停飲而無熱但有飲水積漬於肝也目是五臟之精華肝之外候也肝氣通於目為停飲所漬臟氣不宣和精華不明審故不赤痛亦無障翳而不見物故名青盲也

雀目候 人有書而精明至瞑便不見物謂之雀目言如鳥雀瞑便無所見也

緣目生瘡候 風邪客於臉背之間與血氣相搏按熱即生瘡浸漬緣目赤而有汁時瘡時發世云小兒初生之時洗浴兒不淨使穢露津液浸漬眼臉睫皆後遇風邪發即目赤爛生瘡喜難瘥瘥後還發成疹世人謂之胎赤

鼻衄候 小兒經脈血氣有熱喜令鼻衄夫血之隨氣循

行經脈通遊腑臟若冷熱調和行依其常度無有壅滯亦不流溢也血性得寒即凝澁結聚得熱即流散妄行小兒熱盛者熱乘於血血隨氣發溢於鼻者謂之鼻衄凡人血虛受熱即血失其常度發溢漫行乃至發於七竅謂之大衄也

匿鼻候 匿鼻之狀鼻下兩邊赤發時微有瘡而痒是也亦名赤鼻亦名疳鼻然鼻是肺氣所通肺候皮毛其氣不和風邪客於皮毛次於血氣夫邪在血氣隨虛而入停之其停於鼻兩邊與血氣相搏成瘡者謂之匿鼻也

鼈鼻候 肺主氣而通於鼻而氣為陽諸陽之氣上榮頭面若氣虛受風冷風冷客於頭腦即其氣不和冷氣停滯搏於津液膿涕結聚即鼻不聞香臭謂之鼈

鼻塞候 肺氣通於鼻而氣為陽諸陽之氣上榮頭面其氣不和受風冷風邪氣入於腦停滯鼻間即氣不宣和結聚不通故鼻塞也

喉痺候 喉痺是風毒之氣客於咽喉之間與血氣相搏而結腫塞飲粥不下乃成膿血若毒入心心即煩悶懊懣不可堪忍如此者死

馬痺候 馬痺與喉痺相似亦是風熱毒氣客於咽喉頰頰之間與血氣相搏結聚腫痛其狀從頰下腫連頰下應喉內痛腫塞水漿不下甚者腫潰毒若攻心則心煩懊悶至死

齒不生候 齒是骨之所終而為髓之所養也小兒有稟氣不足者髓即不能充於齒骨故齒久不生

齒痛風齩候 手陽明足太陽之脈並入於齒風氣入其經脈與血氣相搏齒即腫痛膿汁出謂之風齩

齒根血出候 手陽明足太陽之脈並入於齒小兒風氣入其經脈與血相搏血氣虛熱即齒根血出也

數歲不能行候 小兒生自變蒸至於能語隨日數血脈骨節備成其髓骨成即能行骨是髓之所養若稟生血氣不足者即髓不充強故其骨不即成而數歲不能行也

鶴節候 小兒稟生血氣不足即肌肉不充肢體柴瘦骨節皆露如鶴之脚節也

頭髮黃候 足少陰為腎之經其血氣華於髮若血氣不足則不能潤悅於髮故髮黃也

頭髮不生候 足少陰為腎之經其華在髮小兒有稟性

少陰之血氣不足，即髮踈薄不生，亦有因頭瘡而禿落，不生者，皆由傷損其血，血氣損少，不能榮於髮也。

惜塞候 人有稟性陰陽不和，而心神惜塞者，亦有因病而精采闕鈍，皆由陰陽之氣不足，致神識不分明。

落床損痰候 血之在身，隨氣而行，常無停積。若因墮落損傷，即血行失度，隨傷損之處，即停積。若流入腹內，亦積聚不散，皆成痰血。凡痰血在內，顏色萎黃，氣息微喘。

滴々小寒，噓々微熱，或時損痛也。

唇青候 小兒臟氣不和，血虛為冷，所乘即口唇青皸，亦有臟氣熱，唇生瘡，而風冷之氣入瘡，雖瘡之後，血色不

腹故令唇青。
無辜病候 小兒面黃髮直，時壯熱，飲食不生，肌膚積經。

日月遂致死者，謂之無辜。言天上有鳥名無辜，晝伏夜遊，洗浣小兒衣席，露之經宿，此鳥即飛從上過，而取此衣，與小兒著，并席與小兒卧，便令兒著此病。

甄別巢氏諸病源候總論卷之四十八終

[Faint bleed-through text from the reverse side of the page]

卷之四十九

○小兒雜病諸候五 凡五十論

丹候

五色丹候

赤黑丹候

白丹候

丹史候

天史丹候

伊史丹候

嫫史丹候

疇史丹候

厲史丹候

史丹候

飛史丹候

遊史丹候

殃史丹候

尿竈史丹候

風史丹候

暴火丹候

留火丹候

朱田火丹候

鬱火丹候

神火丹候

天竈火丹候

鬼火丹候

石火丹候

野火丹候

菜萁火丹候

家火丹候

廢竈火丹候

螢火丹候

赤丹候

風瘙隱疹候

卒腹皮青黑候

藍注候

身有赤處候

赤遊腫候

大便不通候

大小便不利候

大小便血候

尿血候

痔候

小便不通利候

大小便數候

諸淋候

石淋候

氣淋候

熱淋候

血淋候

寒淋候

小便數候

遺尿候

天火丹候 丹發竟身軀斑赤如火之燒故謂之天火丹也

伊火丹候 丹發於髀骨青黑色謂之伊火丹也

燠火丹候 丹發於臂背穀道者謂之燠火丹也

膏火丹候 丹發初在臂起正赤若黑謂之膏火丹也

厲火丹候 丹發初從髀下起皆赤能移走謂之厲火丹也

火丹候 火丹之狀往往如傷赤著身而日漸大謂之火丹也

飛火丹候 丹著兩臂及背膝謂之飛火丹也

遊火丹候 丹發兩臂及背如火灸者謂之遊火丹也

殃火丹候 丹發兩脅及腋下髀上謂之殃火丹也

風火丹候 丹發膝上從兩股起及臍間走入陰頭謂之風火丹也

暴火丹候 丹初發肉黑忽腫起謂之風火丹也

留火丹候 暴火丹之狀帶黑皴色謂之暴火丹也

朱由火丹候 留火丹之狀發一日一夜便成瘡如粟大平赤色謂之留火丹也

朱由火丹候 丹先發背起遍身一日一夜而成瘡謂之朱由火丹也

神火丹候 丹發從背起謂之神火丹也

神火丹候 丹發兩髀不過一日便赤黑謂之神火丹也

天竈火丹候 丹發兩髀裏尻間正赤流陰頭赤腫血出謂之神火丹也

天竈火丹候 丹發兩髀裏尻間正赤流陰頭赤腫血出謂之神火丹也

天竈火丹候 丹發兩髀裏尻間正赤流陰頭赤腫血出謂之神火丹也

鬼火丹候

丹發兩臂赤起如李子謂之鬼火丹也

石火丹候

丹發通身自突起如細粟大色青黑謂之石火丹也

火丹也

野火丹候

丹發赤斑々如梅子竟背腹謂之野火丹也

菜萁火丹候

丹發初從背起徧身如細纈謂之菜萁火丹也

丹也

家火丹候

丹初發著兩腋下兩髀上名之曰家火丹也

廢竈火丹候

丹發從足趺起正赤者謂之廢竈火丹也

螢火丹候

丹發如灼在脊下正赤初從髻起而長上痛是螢火丹也

是螢火丹也

赤丹候

此謂丹之純赤色者則是熱毒搏血氣所為也

風瘙隱疹候

小兒因汗解脫衣裳風入腠理與血氣相

搏結聚起相連成隱疹風氣止在腠理浮淺其勢微故

不腫不痛但成隱疹癢痒耳

卒腠皮青黑候

小兒因汗腠理則開而為風冷所乘冷

搏於血隨肌肉虛處停之則血氣沈澁不能榮其皮膚

而風冷客於腠皮故青黑

藍注候

小兒為風冷乘其血脈血得冷則結聚成核其

皮肉色如藍乃經久不歇世謂之藍注

身有赤處候

小兒因汗為風邪氣毒所傷與血氣相搏

熱氣蒸發於外其肉色赤而壯熱是也

赤遊腫候

小兒有肌肉虛者為風毒熱氣所乘熱毒搏

於血氣則皮膚赤而腫起其風隨氣行遊不定故名赤遊腫也

大便不通候 小兒大便不通者，腑臟有熱，乘於大腸，故也。脾胃為水穀之海，水穀之精華化為血氣，其糟粕行於大腸。若三焦五臟不調，和熱氣散於大腸，熱實故大便燥澀不通也。

大小便不利候 小兒大小便不利者，腑臟冷熱不調，大小腸有遊氣，氣壅在大小腸，不得宣散，故大小便澀不流利也。

大小便血候 心主血脈，心臟有熱，熱乘於血，血性得熱，流散妄行，不依常度，其流滲於大小腸，故大小便血也。
尿血候 血性得寒則凝澀，得熱則流散，而心主於血，小兒心臟有熱，乘於血，血滲於小腸，故尿血也。

痔候 痔有牡痔、牡痔、脈痔、腸痔、血痔、酒痔，皆因勞傷過度，損動血氣所生。小兒未有虛損而患痔，止是大便有血出，腸內有結熱故也。

小便不通利候 小便不通利者，腎與膀胱熱故也。此二經為表裏，俱主水，水行於小腸，入胞為小便。熱氣在其臟腑，水氣則澀，故小便不通利也。

大小便數候 脾與胃合，胃為水穀之海，水穀之精化為血氣以行經脈，其糟粕水液行之於大小腸。若三焦平和，則五臟調適，虛實冷熱不偏，其脾胃氣弱，大小腸偏虛，下焦偏冷，不能制於水穀者，故令大小便數也。

諸淋候 小兒諸淋者，腎與膀胱熱也。膀胱與腎為表裏，俱主水，水入小腸，下於胞，行於陰，為小便也。腎氣下通於陰，陰水液之道路，膀胱津液之府，膀胱熱，津液內溢，

而流於澤水道不通水不上不下停積於胞腎氣不通於陰腎熱其氣則澁故令水道不利小便淋瀝故謂為淋其狀小便出少起數小腹急痛引臍是也又有石淋氣淋熱淋血淋寒淋諸淋形證隨名具說於後章而以下方治之者故謂諸淋也

石淋候 石淋者淋而出石也腎主水水結則化為石故腎容砂石腎為熱所乘熱則成淋其狀小便莖中痛尿不能卒出時自痛引小腸膀胱裏急砂石從小便道出甚者水道塞痛令悶絕

氣淋候 氣淋者腎虛膀胱受肺之熱氣在膀胱膀胱則脹肺主氣氣為熱所乘故流入膀胱膀胱與腎為表裏膀胱熱則氣壅不散小腹氣滿水不宜利故小便澁成

淋也其狀膀胱小腹滿尿澁常有餘瀝是也亦白氣壅診其少陰脉數者男子則氣淋也

熱淋候 熱淋者三焦有熱氣傳於腎與膀胱而熱氣流入於胞而成淋也

血淋候 血淋者是熱之甚盛者則尿血謂之血淋心主血血之行身通徧經絡循環腑臟其熱甚者血即散失其常經溢滲入胞而成血淋矣

寒淋候 寒淋者其病狀先寒戰然後尿是也小兒取冬過度下焦受之冷氣入胞與正氣交爭寒氣勝則戰寒正氣勝則戰寒解故得小便也

小便數候 小便數者膀胱與腎俱有客熱乘之故也腎與膀胱為表裏俱主水腎氣下通於陰此二經既受客

熱則水行澁故小便不快而起數也
 遺尿候 遺尿者此由膀胱有寒不能約於水故也足太陽為膀胱之經足少陰為腎之經此二經為表裏腎主水腎氣下通於陰小便者水液之餘也膀胱為津液之府既冷氣衰弱不能約水故遺尿也

重刊巢氏諸病源候總論卷之四十九終

卷之五十

○小兒雜病諸候六 凡五十一論

三蟲候

蛇蟲候

燒蟲候

寸白蟲候

脫肛候

病癩候

差癩候

狐臭候

四五歲不能語候

氣癭候

胸脇滿痛候

服湯藥中毒候

蠟螻毒繞腰痛候

疔目候

頭瘡候

頭多蟲生瘡候

白禿候

頭面身體諸瘡候

惡瘡候

爛瘡候

癩癰候

惡核候

擦瘡候

瘡瘡候

腸癰候

疔候

疽候

疔瘡候

癰候

癰候

疥候

癩候

赤疵候

臍瘡候

蟲胞候

口瘡候

鵝口候

鸞口生瘡候

口下黃肥瘡候

舌上瘡候

舌腫候

噤候

康爛瘡候

金瘡候

卒驚瘡候

月食瘡候

耳瘡候

浸淫瘡候

王灼惡瘡候

疔濕瘡候

陰腫成瘡候

而弱，弦今反脉洪，而大則是蛇虫也。

蟻蟲候 蟻虫者九虫内之一虫也。形甚細小，如今之痛虫，狀亦因腑臟虛弱而致發甚者，則成痔瘻癩疥也。

寸白蟲候 寸白者九虫内之一虫也。長一寸，而色白。形小，綿因腑臟虛弱而能發動，或云飲白酒，一云以桑樹枝貫串牛肉炙并食生栗所作，或云食生魚後即食乳酪，亦令生之。其發動則損入精氣，腰脚疼弱，又云此虫生長一尺，則令人死也。

脫肛候 脫肛者肛門脫出也。肛門大腸之候，小兒患肛門脫出，多因利大腸虛冷，兼用軀氣故。肛門脫出，謂之脫肛也。

病癩候 癩者陰核氣結腫大也。小兒患此者，多因啼怒，軀氣不正，動於陰氣，陰氣而擊結聚不散所成也。

羸癯候 羸癯者陰核偏腫，大亦由啼怒，軀氣擊於下所致。其偏腫者，氣偏乘虛而行，故偏結腫也。

狐臭候 人有血氣不和，腋下有如野狐之氣，謂之狐臭。而此氣能染易著於人，小兒多是乳養之人先有此病，染著小兒。

四五歲不能語候 人之五臟有五聲，心之聲為言。小兒四五歲不能言者，由在胎之時其母卒有驚怖，內動於兒臟，邪氣乘其心，令心氣不和，至四五歲不能言也。

氣癭候 氣癭之狀，頸下皮寬，內結突起，腫々然，亦漸長大，氣結所成也。小兒啼未止，因以乳飲之，令氣息逆，不得消散，故結聚成癭也。

曾湯月滿痛候 者養小兒有失節度而為寒冷所傷寒氣入腹內乘虛停積後因乳哺令熱不調觸冒宿寒與氣相擊不散在於胃脅之間故令滿痛也

服湯藥中毒候 小兒有疥患服湯藥其腸胃脾嫩不勝藥氣便致煩毒也故謂之中毒

蠅蝮毒繞腰痛候 蠅蝮虫長一寸許身有毛如毫毛長五六分脚多而其細足處屋壁之間云其遊走遇人則尿入影隨所尿著影處入身即應之生瘡世病之者多著腰瘡初生之狀匝々起初結瘡癩小者如黍粟大者如麻豆漸生長濶大繞腰生膿汁成瘡也

有附皮肉生與肉色無異如麥豆大謂之疣子即疣自也亦有二三數相聚生者割破裏狀如筋而強

亦微有血面小復生此多由風邪客於皮膚血氣變化所生故亦有藥治之瘡者亦有法術治之瘡者而多生於手足也

頭瘡候 肺臟有熱熱氣上衝於頭而復有風濕乘之濕熱相搏折血氣而變生瘡也

頭多蟲生瘡候 蟲者按九蟲論云蠅虫多所變化亦變為蟲而小兒頭櫛沐不時則蟲生滋長偏多鬢頭遂至生瘡瘡處蟲聚也謂之蟲窠然人躰性自有偏多蟲者

白禿候 白禿之候頭上白點斑剝初似癬而上有白皮屑又則生痂癩成瘡遂至禿頭洗刮除其痂頭皮瘡孔如筋頭大裏有膿汁出不痛而有微痒時其裏有虫甚細微難見九虫論亦云是蟻虫動作而成此瘡乃至自

小及長大不癩頭髮禿落故謂之白禿也

頭面身體諸瘡候 腑臟熱甚熱氣衝發皮膚而外有風濕折之與血氣相搏則生瘡甚壯初赤起瘡癩後乃生膿汁隨瘡隨發或生身軀或出頭面或身軀頭面皆有也

惡瘡候 夫人身軀生瘡皆是臟熱衝外外有風濕相搏所生而風濕之氣有挾熱毒者其瘡則痛痒腫焮久不瘥故名惡瘡也

漂瘡候 小兒為風熱毒氣所傷客於皮膚生焮瘡而潰成瘡名為漂瘡也

癩癧候 小兒身生熱瘡必生癩癧其狀作結核在皮肉間二兩箇相連累也是風邪搏於血氣焮結所生也

惡核候 惡核者是風熱毒氣與血氣相搏結成核生頸道又遇風寒所折遂不消不潰名為惡核也

漆瘡候 人無問男女大小有稟性不耐漆者見漆及新漆器便著漆毒令頭面身軀腫起隱疹色赤生瘡痒痛是也

癰瘡候 六腑不和寒氣客於皮膚寒搏於血則壅遏不通稽留於經絡之間結腫頭成癰其狀腫上皮膚薄而濕是也熱氣乘之熱勝於寒則肉血腐敗化為膿膿潰之後其瘡不瘥故曰癰瘡

腸癰候 腸癰之狀小腸微強而痛是也由寒熱氣搏於腸間血氣否結所生也

癰候 腫結長一寸至二寸名為癰亦如癰熱痛久則

膿潰拾膿血盡便瘡亦是風寒之氣客於皮膚血氣壅結所成凡癰癤拾膿血不化而瘡口便合其惡汁在裏雖瘡終能更發變成漏也

疽候 五臟不調則生疽亦是寒客於皮膚抗於血氣血氣否澁不通結聚所成大躰與癰相似所可為異其上如牛領之皮而硬是也癰則浮淺疽則深也至於變敗膿潰重於癰也傷骨

疔瘡候 此疔瘡者非癰疽也是癰之類世謂之疔瘡多發於指節脚脛間相對生作細瘡癰子而細孔瘡裏有虫痒痛搔之有黃汁出隨瘡隨發也

瘰癧候 寒熱邪氣客於經絡使血氣否澁初生作細瘰癧或如梅李核大或如箭乾或圓或長者至五六分不過

一寸或一或兩三相連時發寒熱仍膿血不正謂之漏也皆是五臟六腑之氣不和致血氣不足不受寒熱邪氣然癰者有鼠癩蟻蝨癩蝨等癩以其於當病名處說之也

癩候 癩者風濕搏於血氣所成多著手足節腕間而々然搔之痒痛浸淫生長呼謂之癩以其瘡有細虫如瘡虫故也

疥候 疥瘡多生手足指間染漸生至於身躰痒有膿汁按九虫論云蟻虫多所變化亦變作疥其瘡裏有細虫甚難見小兒多因乳養之人病疥而染著小兒也

癬候 癬病由風邪與血氣相搏於皮膚之間不散變生隱軫軫上如粟粒大作丘郭或郭或圓浸淫長大痒痛

搽之有汁名之為癬小兒面上癬皮如甲錯起乾燥謂之乳癬言兒飲乳乳汁漬汚兒面變生此仍以乳汁洗之便瘥

赤疵候 小兒有血氣不和肌肉變生赤色染漸長大無定或如錢大或闊三數寸是也

臍瘡候 臍瘡由初生斷臍洗浴不即拭燥濕氣在臍中因解脫遇風風濕相搏故臍瘡久不瘥也臍瘡不瘥風氣入傷經脈則變為癩也

蟲胞候 小兒初生頭即患瘡乃至徧身其瘡有虫故因名虫胞也

口瘡候 小兒口瘡由血氣盛兼將養過温心有客熱熏上焦令口生瘡也

鵝口候 小兒初生口裏白屑起乃至舌上生瘡如鵝口裏世謂之鵝口此由在胎時受穀氣盛心脾熱氣熏發於口故也

鸚鵡口生瘡候 此由脾胃有客熱熱氣熏發於口兩吻生瘡其瘡白色如燕子之吻故名為鸚鵡口瘡也

口下黃肥瘡候 小兒有涎唾多者其汁流溢浸漬於頤生瘡黃汁出浸淫肥爛挾熱者瘡汁則多也

舌上瘡候 心候於舌若心臟有熱則舌上生瘡也

舌腫候 心候舌脾之絡脉出舌下心脾俱熱氣發於口故舌腫也

噤候 小兒初生口裏忽結聚生於舌上如黍粟大令兒不能取乳名之曰噤此由在胎時熱入兒臟心氣偏受

熱故也

凍爛瘡候 小兒冬月為寒氣傷於肌膚搏於血氣血氣壅澁因即生瘡其瘡亦焮腫而難瘥乃至皮肉爛謂之為凍爛瘡也

金瘡候 小兒為金刃所傷謂之金瘡若傷於經脈則血出不止乃至悶頓若傷於諸臟俞募亦不可治自餘腹破腸出頭碎腦露並亦難治其傷於肌肉淺則成瘡終不慮死而金瘡得風則變瘡

卒驚瘡候 此由金瘡未瘥忽為外物所觸及太啼呼謂為驚瘡也凡瘡驚則更血出也

月食瘡候 小兒耳鼻口間生瘡世謂之月食瘡隨月生死因以為名也世云小兒見月初生以手指指之則令

耳下生瘡故呼為月食瘡也

耳瘡候 瘡生於小兒兩耳時瘥時發亦有膿汁此是風濕搏於血氣所生世亦呼之為月食瘡也

浸淫瘡候 小兒五臟有熱熏發皮膚外為風濕所折濕熱相搏身軀其瘡初出甚小後有膿汁浸淫漸大故謂之浸淫瘡也

王灼惡瘡候 腑臟有熱熱熏皮膚外為濕氣所乘則變生瘡其熱偏盛者其瘡發勢亦成初生如麻子須臾土大汁流潰爛如湯火所灼故名王灼瘡

疳濕瘡候 疳濕之病多因久利脾胃虛弱腸胃之間蟲動侵蝕五臟使入心煩懊悶其上蝕者則口鼻齒斷片瘡其下蝕者則肛門癢爛皆難治或因久利或因歲熱

嗜臥或好食甘美之食並令虫動致生此病也
陰腫成瘡候 小兒下焦熱熱氣衝陰陰頭忽腫合不得
小便乃至生瘡俗云尿床火所為也

重刊巢氏諸病源候總論卷之五十終

正保二酉 孟春

梅村彌右衛門版

文化六年己巳歲三月九日完讀

